

RIAN A KAWL LIOMI CAAH DIRKAMHNAK

Zaanghleicawi mi hna

Hi rian a kawlliomihna caah Rian lei Dirkamhnaak cu Australia Acozah nih aa ruahchihmi, rian a kawllpiaktu hna an tuan hnga ding kha a langhter. Cu bantuakte cun Zaanghleicawi rian a kawllmi hna pakhat cio nih a niambik an i ruahchanmi tinco ding zong kha a langhter.

Australia Acozah nih rian a kawlliomini minung hna kha, a kuam kaupi bawmhchanh dingin aa tinh. Acozah nih rian a kawllmi hna a bawmtu pawl kha ram pumpuluk ah samh in rian a tuan i, rian hmuhnak caah anmah pumpak an herhmi cio cungah i hngat in kuam kaupi luh khawhnaak lam a sersiam. Rian a kawllmi hna caah a hrampi/a kungpi hmuitinh cu, riantuanmi hna thawngdeuh in an i tel khawh le, rian a kawllmi chungin zohkhenh hau dirhmun in rian kuttlahi a ngeimi dirhmun sinak lei karhlan ding kha, a bawmh.

Nangmah nih rian an kawllpiaktu sin in zeidah naa ruahchan

Rian an kawllpiaktu nih nangmah kha:

- Rian konglam tialmi ca (resume) an tialpiak lai.
- Na umnak pawngkam ah rian a lawngmi an theihter lai
- Na umnak pawngkam ah a ummi rian ngeitu nih a duhmi rian thiamnak lei na theih awk kha, an chimh/bawmh lai.
- Rian sawknak lei ah na min a kuat lai.
- Anmah ca ah sersiammi Rian Kawlnak Timh-lamhmi a kuat lai.
- Dingte le upat-tihzah buin nangmah kha rian an tuanpiak lai.
- Nunphung lei ah ralrin bute in rian an tuanpiak lai.

Zaanghleicawi rian a kawllmi nangmah cu thla ruk chung an bawmh lai i, min khumhnak cazin chung na tel khawhnaak caah lungthote in na tel ve a herh. Na sican ning aa thlennawn tikah rian an kawllpiaktu kha na chimh a herh i, cu nih cun

bawmhchanhnaak tamdeuh an hmuhter khawh men.

Na pumpak konglam-thawngpang cu a thlithup in chiah a si

Na pumpak konglam cu Privacy Act 1988 khiah ning telchih in upadi phung nih a huhphenh. Rian an kawllpiaktu nih rian ngeitu hna sinah rian he aa pehtlaimi na konglam lawng kha a chimh lai, asilole nangmah hnatlaknak in na rian tuanmi kong kha a chimh lai.

Rian an kawllpiaktu nih, na konglam kha adang acozah lei bu hna nih an herh soal ahcun, a thanhchin khawh hna i, cuticun nangmah nih na herhnaak adot tiang tuahtpiak/cotinter a si. Cu acozah lei bu hna nih cun na rian ngeitu kha an chawh lai i, na konglam an theih ning a dik ko, ti kha an fehter lai.

Nangmah nih, rian an kawllpiaktu nih a kilkoi mi na konglam kha na hal khawh i, na lak khawh, a herh ahcun na remh khawh.

Thangthat lawmhnak, ruahnak cheuh asiloah phunzainak

Rian tuanpiakmi na zoh/ngiat khawh khi a biapi ngai. Riantuannak le Atetuai Chawlehnak Zungpi (Department of Jobs and Small Business) le rian an kawlpiaaktu hna nih nangmah i na ngeih khawh menmi lehrulhnak khi a sunglawi ah an chiah.

A dikmi bawmhchanhnak ka hmu lo, tiah na ruah i lungtlinlo phunzainak na tuah duh ahcun rian an kawlpiaaktu kha a hmasabik ah chim. Rian an kawlpiaaktu nih a dingmi lehrulhnak ningcang kha an chimh lai i, na lungre a theimi kha tawlrel an zuampiak lai.

Rian an kawlpiaaktu kha ka chawn kho lo, tiah na ruah ahcun, asilole a cungah na lung a tlin lo ahcun, Riantuannak le Atetuai Chawlehnak Zungpi (Department of Jobs and Small Business) National Customer Service Line ah 1800 805 260 kha (inn fon in a man pek hau loin) chawn, asiloah nationalcustomerserviceline@employment.gov.au ah email kua.

Na hmuh liomi bawmhchanhnak a thatdeuhnak hnga, ruahnak cheuh na duh, asilole, an in bawmhknak cungah thangthat lawmhnak chim na duh ahcun, zaangfahnak te in rian an kawlpiaaktu kha theihter asiloah National Customer Service Line kha, chawn.

Bawmhchanhnak tangka na hmuhmi kongah na lungre a theih ahcun, Department of Human Services zungpi ah chim. Department of Human Services chawnh khawhnak a dikthliar cu, www.humanservices.gov.au ah na hmuh khawh lai.